

Vechte, valle en opstoan

Barcelona, 't station
drukke minse, corazon
ik woj ligge in de branding

ik keek ni oet, en ik veel
dat ik doar niks an oaver heel
kwaam dor 'n hiele zachte landing

vur 'n moment ging ik umhoeg
en toen kwaam ik oeg in oeg
met 'n harde Spaanse vloer
ik vulde niks, ik rolde door
als enne bal di half slap
langzaam stuitert van de trap
leaggeloepe, half vol
eindigt teage enne poal

niks gebroake, niks gescheurd
't waas meej al zo duk gebeurd
't waas eigenlijk wal lekker
de alde stroat die vulde werm
ving meej op mit oape erm
en toen inens as enne wekker:

'r zwarte hoar, 't goud dat blonk
en 'r stem zoeals ze klonk
en 'r oege toen ze zei:
'ik leas ow toekomst, kom mar mei'

doar zate weej teageoaver elkaar
enne glaze bol in 't midde
ze makte nog ierst 'n exotisch gebaar
toen vroeg ik an eur: 'wat zidde?'

en ze zei: 'ik zij, ik zij,
geej begint altied opnij
vechte, valle en opstoan'

ik knikte en ik keek 'r aan
't begint altied van veur af aan
vechte, valle en opstaon

hand an de ploog, ik kreeg wat ik vroeg
de rug recht, de schouders d'r onder
neet zeure, begin, 't het genne zin
ge wacht tevergeafs op 'n wonder

d'r kwaam muziek dor de stroate
de zon dor 't glaas in loed
we bleve same nog wat proate
en toen ware weej d'r oet

ik laag op de Spaanse grond
en de cirkel di waas rond
we woste zeker: 't bestiet
dat 't verder giet

altied, wat ge ok dut
blief 't vertrouwe beware
vergeate, verloate, bedroage of blut
noeit mier d'n hoop laote vare

hand an de ploog, ik kreeg wat ik vroeg
de rug recht, de schouders d'r onder,
neet zeure, begin, 't het genne zin
ge wacht tevergeafs op 'n wonder

[Tekst en muziek: Jack Poels]

[cd 'Rodus & Lucius', RHAM 2006]